

SARS wen hofsaak teen misdadige belastingpligtige

Tshwane, 24 Julie 2023 – Die kommissaris van die Suid-Afrikaanse Inkomstediens (SARS) verwelkom die uitspraak deur die Hoogste Hof van Appèl, wat twee appèlle teen bevel van die Gautengse afdeling van die Hooggeregshof in Pretoria (saaknr. 543/2021); en die KwaZulu-Natalse afdeling van die Hooggeregshof in Pietermaritzburg (saaknr. 409/2022) met koste ontslaan het.

Die eerste was 'n appèl teen 'n likwidasiebevel wat teen die appellant, PFC Properties (Pty) Ltd (PFC), ten gunste van SARS deur die Pretoriase Hooggeregshof toegestaan is. Die tweede appèl was teen 'n bevel deur die Pietermaritzburgse Hooggeregshof ingevolge waarvan dit 'n aansoek, om PFC in sakeredding te plaas, ontslaan het.

Die kwessie voor die Hoogste Hof was of die optrede deur PFC en die De Robillard Familietrust se trustees, in die aansoek om sakeredding, misbruik van die hofproses was. Die Hoogste Hof is van mening dat aansoek nie oorweeg moes word nie omrede die gebruik daarvan in die strik van misbruik. Die hof het gehandhaaf dat die aansoek om sakeredding 'n strategie was.

Die aansoek om sakeredding kon gevolglik nie die likwidasieaansoek ter syde stel nie omdat die eersgenoemde met misbruik besmet was. Buiten dit, het die De Robillard Familietrust se trustees versuim om te staaf dat daar enige vooruitsigte was om PFC te red. Al die besigheid se bates was reeds verkoop en sy substraat was verlore. Die Hoogste Hof het verder gehandhaaf dat die likwidasiebevel deur die Hooggeregshof in Pretoria onaantasbaar is. Om hierdie redes is beide appèlle met koste ontslaan.

SARS erken dat sakeredding 'n effektiewe meganisme is om die ineenstorting van 'n lewensvatbare maatskappy te vermy en 'n gesonde ekonomie te handhaaf. Te midde van uitdagende ekonomiese tye, is sakeredding selfs meer relevant.

SARS-kommissaris, mnr. Edward Kieswetter het gesê: "Dit is ongelukkig dat sommige belastingpligtiges die sakereddingprosedures tot die nadeel van krediteurs misbruik. In meeste gevalle, is die fiskus die grootste slagoffer. SARS sal bly ferm en beslissend optree wanneer sakereddingprosedures tot die nadeel van van die fiskus misbruik word. Ons sal sonder enige onduidelikheid sodanige misbruik-aansoeke teenstaan".

SARS sal nie ledig rondstaan terwyl belastingpligtiges die meganismes van die Wet op Maatskappye misbruik deur kwaadwillig op te tree om SARS te ontnem van wat aan die fiskus verskuldig en betaalbaar is nie. Enige uitgebreide en versigtig-deurdenkte planne om belasting terug te hou, sal nadruklik weerstaan word.

SARS sal altyd op 'n wyse werk wat die groei van die ekonomie ondersteun met gepaardgaande werkskepping. Waar, vir welke rede ookal, besighede nie optimaal presteer nie en onlewensvatbaar word, is elke rolspeler in die proses verantwoordelik om professioneel en sonder aansien des persoons of vooroordeel teenoor enige krediteure op te tree.

Vir meer inligting, kontak SARSMedia@sars.gov.za